

(XV.) "Emah menododuhmowining."

43. Mameduhga dush ween egewh tabandahgozejig emah tabwayainduhmowining. Kamah kuhgwahduhgetoong oonjogo monduh cheézhahwing.

43. Azhesuhgo guahketoyung umba suhno menotoduhwahdahng kuhkenuh uhneahnahbaig maminduhga dush ween egewh tabandahgozejig emah tabwayainduhmowining.—Gal. vi. 10.

44. Cheénoonindwah chebwahpakahnezejig uhnoonindwah, chegahgeeshpenuhmahding mamashqud, chewahwedokodahding papezhegoong anuhnokeeng kaóóndahdezing.

44. Oguhtuhgooshkahgonun nishkeenzhgoon ow mahnewawezid omah uhkeeng, ewhgo konemah cheoonje—weejtuhnuhkemewod; ow Koyuhkosawining pamosad ninguhpumetog suh owh.—Ps. ci. 6.

45. Mesuhdush kuhya óówh kaoonje uhwhshema ezhechegayung, egewh mah akewejig oguhzahgeahwon enewh atuhgo kuhya wenuhwah tabanemahwahjin.

45. Keeshpin suh emah ahkeeng ezhetebandahgozeyagobun, otahsahgeahwon egewh akewejig enewh tabanemahwahjin; kah suh win omah ahkeeng ketebandahgozeseem; neen suh ahkeeng kegewhwanahbemeninim; me suh ewh wanjesheenganimnagwah egewh akewejig.—John xv. 19.

(XVI.) 46. Emah kuhkenuh kashkeawezenuhwawezewinewung.

46. Kago ketemishkekagoon emah uhokewining.—Romans xii. 11.